

ضحكة ألم

ديوان شعر

باسم ناصر

الطبعة الأولى

2020 م - 1442 هـ

ديوان العرب

للنشر والتوزيع



عنوان الكتاب: ضحكة ألم

اسم المؤلف: باسم ناصر

التصنيف الأدبي: ديوان شعر

رقم الإيداع: 2020 / 22506

الترقيم الدولي: 8 - 36 - 6749 - 977 - 978



تصميم الغلاف: د. محمد وجيه

التدقيق اللغوي: د. هبة ماردين

التنسيق الداخلي: د. محمد وجيه

رقم الطبعة: الطبعة الأولى

المدير العام: د. فادية محمد هندومة

دار ديوان العرب للنشر والتوزيع - مصر - بورسعيد

جوال: 00201211132879

البريد الإلكتروني: mohamedhamdy217217@gmail.com

حقوق الطبع والنشر لهذا المصنف محفوظة للمؤلف، ولا يجوز بأي صورة إعادة النشر الكلي أو الجزئي، أو نسخه أو تصويره أو ترجمته أو الاقتباس منه، أو تحويله رقمياً وإتاحته عبر شبكة الإنترنت، إلا بإذن كتابي مسبق من المؤلف أو الناشر.




ضحكة ألم

ديوان شعر

باسم ناصر





إهداء

إلى ابنتي كريمة
إلى والدي ووالدي اللذين وقفا بجاني في كل خطوة....

باسم ناصر

أحبُّكَ يا رب

أحبُّكَ يا ربي..

أكثر من عدد دقائق قلبي

أحبُّكَ يا إلهي..

الغافر لي ذنبي

أحبُّكَ وقت الصلاة..

عندما تصغي إلى طلبي

أحبُّكَ وقت النداء..

عندما تستجيب لـ في الملبي

أحبُّكَ عندما أجاهد..

وتنظر إلى تعبي

أحبّك لأنك الحيّ..
الساكن في قلبي
أحبّك يا إلهي.. أحبّك ياربي
أحبك ولا يكفي..
أن أعطيك كل حي
أحبك وقت الخلاء..
عندما يكون عطفك بيّتي
أحبّك عند الرجاء..
عندما تكون قريباً ولا تأبى
أحبّك يا نبع العطاء..
يا معين كل الشعبِ
أحبّك يا إلهي.. أحبّك ياربي
أحبّك عندما تغفر..

ولا تنظر إلى عبئي
أحبك وقت الرعد..
عندما تصنع لي ثوبي
أحبك وقت البعد..
عندما تنادي لقربي
أحبك وقت الاهتمام..
عندما تنظف قلبي
أحبك وقت الظلام..
وعندما تكون سراجاً لدربي
أحبك وقت الشيخوخة..
عندما تعطيني قوة الصبي
أحبك في حزني.. في ضيقتي..

عندما لا تسمح بمدى كربي

أحبك يا رب في كل وقت..

لأن عينيك علي لا تخفي

أحبك يا إلهي... أحبك يا ربي

آخر قصيدة هكتبها لك

راحة مشوّهة في ألم مُعتاد

شمس نورها غايب..

نارها بالمرصاد

بواعدك..

وفاقد إحساس اللهفة على الميعاد!

يمكن يرتاحلك..

شيء هو في الأصل مات!

....

حبيبتى..

حبيبتى الزائفة..

تلك الكلمات ليست غريبة عنك

فهي منك ولك

ولولا وجودك أنت في حياتي..

وشعري السامر

ما كنتُ الشاعرُ الناثِر

ما كنتُ أنا باسم ناصر

....

آخر قصيدة ليكي

ويا ريت لو كانت عنيّا ف عنيكي

زَيّ قصايد كثيرة كتبتها لك..

ويا ما قولتها لك.. في حُبّي ليكي

زَيّ أول قصيدة

كان نفسي تكوني سعيدة

لكن مكنتش هتبقى.. آخر قصيدة

آخر قصيدة ليكي..

وآخر مَ هقولك..

هيبقى على الورق كلامي

بعد رحيلي عنك..

بعد زَهقي واعتصامي

جائز كلامي يوصلك سلام..

جائز يوصلك عتاب

لكن هو كُبت حَبْرُه من دَمِّي..

وقلمُه من عَضمي الي داب

ياللي في البداية..

قولتي مليش غيرك..

وأنا أرضك وأنا سَمَكي

خليتي قلبي مَيَشوفش غيرك..

و حَبِيبَتُهُ سَمَّاكِ

ضيعتي فَيَّا نصيبك..

بعد مَ أَنَا شُفْتُ چفائي

لما أَنَا بس حبيبك..

مين بس الي چَفَّأَكِي؟!

مين نسائي؟!

و مين قالك مش دايق حنينك؟

ومش حاسك..

ومش عايزك..

وبايح سنينك

هو مين أَكْثَرُ مِنِي وَمِنْكَ..

كان يعرف الي بيني وبينك؟!

فين حظي معاكي وفين نصيبي؟؟

ليه شايفة بس عيبي

عيب عليكي لما تعيبي

في واحد يوم مَ كُنتي محتاجاه..

سمتية حبيبي!

أنا الي كنت حلمك

كنت مثلك.. كنت عَلمك

ليه رضيتي بظلمي..

وإزاي مَفهمتنيش؟

إزاي خاب فيا ظنّك..

وانتي للنهاية مَكَمَلتنيش!؟

إزاي كنت وَطَنك..

ولما بعدتي عني مَحْتَتيش!؟

علشان حبيتي تشوفي النهاية في البداية!

تعيشي أول يومينك.. بكل الحكاية!

و مَهْمَتَيْش بنفسك.. غير قدام المرايا!

كان كل همك.. كام مُفاجأة..

على شوية هدايا!

نسيتي الأمانة..

نسيتي إنك.. دوايا

حبيتي بعدي..

مع إن ضهري ليكي حمايا

و مفهمتيش..

إن طريقك مش هيكمل..

غير وإنتي معايا!

أنا الي علمتك الضحكة..

وفـ كسرتي ضحكتي عليا!
 والأصعب من ضحكتك إنك..
 سَبَبَ الكسرة الي فيا!!
 أنا الي زرعتك وردة..
 وكان نصيبي الشوك!
 لو كان عندي غلطة..
 إني مكنش عندي شكوك
 لو قولتي ١٠٠ آسفة من النهاردة..
 مُش هَتداوي قلب مشكوك!
 أنا الي كبرتك و ملقتش فيكي مكاني!
 يا أُمَّ الحُضن الواسع ومش.. سيعاني
 كان كل همي أعليكي
 عمري م إتأَمَّرت عليكي

من غير ما أعرف حاجة عنك..

قربت منك..

ورميت شباك الأمان فيكي

ياللي من تُراي كانت كُحلتِك !..

كرهتيني في الي حَبَّني فيكي

بقيت حابب أمشي عكس سيرك

حابب.. غيرك

ياللي كُلك خير وأنا..

وأنا المحروم من خيرك !!

أنا طيرك..

أنا طيرك الي جلادك عَماني !

واستغل في حُبك عمياني !

استضعف سكوتي

سوَّطه.. كتم صوتي

قَسَّ نبرة ألحاني

وَقَّعني في بيرك..

مات حناني

والي رايد تدميرك..

خلاني أنا الجاني

آه حتى لو هجرتك..

وعشت عُمر بعدك..

عُمر تاني

ضربتك هتفضل وجعاني

بقيتي زي سجن..

بقي جوه قلبي في كل مكان

و مُرَّ سجنك يا حُرَّة..

مش أربع حيطان !!
دا أنا الي خيري من عمري إدتّهولك
كل شيء ليا غالي كتبتّهولك..
ليه مَوَّيَّ جوايا حلم..
أنا كنت .. هوهيهولك !!؟
دا إنتي لما كنتي لسه..
وزهرة خضرة
كنت أنا شمس ليكي..
كنت مَطَرَة
كنت ضهرك..
كنت سندك..
أنا الي حطيت بذور ثمرك
ولما طاب ثمرك..

بقيتي من عدايا !

خلاص كفاية

هتكلم مع مين ؟!

مع الي ضاع عمري عليها

و بتسألني .. أنت مين ؟!

مع الي رويت كل شبر فيها ..

و ما نابيش فيها شبرين !

تاھت فيكي الروح ..

وبكت معاكي العين

عجزتيني في سنّ العشرين !!

و مستّنيه مني إيه ..

بعد الي جواكي مّ بان

أنا خلاص نويت الرحيل ..

والوقت خلاص حان
مَ مااات فيا بسببك..
قلب كان طبعه الحنان
فَ مَ تَلْمِينِيش لما أبقى بايع
مَ تَلْمِينِيش لما مبقاش سامع
بس إبكى..
لما أكون لحلم غيرك صانع
وبتلوميني ليه لي
لما يقولولي الي حَبَّتْها..
ملكش حظ فيها
وإحساسي بعد سنين معاك..
صورك أخفيها
لما على حُبِّكَ أعلم الحب للعاشق

إزاي أقوله يكمل بعد م شافني من مُرك دايق ؟!

إزاي هتبقى عايشة..

وليكي جرح هيبقى ذكرئ

طب لو النهارده ناسية..

لسه فيه بكرة

هيفكرك ب حنية

صورة هتظهر ليا

بس غير الصورة العادية

هتندمي..

ولا مليش عندك دية

ولا لسه بتضحكي على نفسك

ولا خلاص صدقتي نفسك

وطاوعتي الي بينافقك

ليه مطاوعتيش قلب ياما نادئ

يعني إيه البيع عندك عادة

ليه كل ما أحلي فيكي.. ألاقىكي سادة

ليه مش لاقىكي سناادة

ما بزيادة...

بزيادة

ياللي قلبي معاكي ياما طاطي

إبعدي كمان وانسي إنسان عَرَكَ

ولو مُرَّكَ عسل.. خلاص..

أنا مش عايزك

يعني إيه؟

يعني إيه أبقى درع حاميكي..

وتتهميني اتهام باطل.. غادر؟!

دا وقت ما كنت ببني فيكي..
 قولتي الضلع الباسل.. الناصر؟!
 لما خلص بُنيانك..
 واتكّون كيالك..
 خلّيتني عاطل؟!
 ومُكافئة نهاية خدمتك..
 ارحل.. فأنت فاشل
 فشلت في حي ليكي.. يمكن !
 فشلت إني أحتويكي.. يمكن!
 ما إنتي الي خلّيتي كل شيء لا يُمكن
 قلبك.. مبقاش عطوف
 راجلك.. مش منصوف
 سرّي معاكي مكشوف

فلازم أحس منك بالخوف

ياللي شَبَّهْتَك يوم بالوطن !..

وحلم بيطوف

بس مفهمتيش

شبهتك.. بالوطن

اعتبرتك.. وطن

قولت عليكي حبيبي وطن!

يعني إيبيه.. كلمة وطن ؟!

يعني بين إديكي تحميني من الزمن

يعني متبعينيش مهما كان التمن

يعني تآزريني في المحن

مش بالاسم منك و منك أًتطحن!

يعني مهما كانت قساوتك..

تدّيني أنا الأمان
يعني أعيش على قناتك..
ما أبتش يوم جعان
يعني ملجأش لغيرك..
لما تحسّسني بالحنان
يعني تراعي فيّ ضميرك..
تضمّيني.. لو جه الطوفان
وفي النهاية
أدينني بعدت عنك..
ونسيت ملامحك..
وتوهتي في عيني من بين البشر
ياللي مُرّك كان عسل
ياللي ياما ضربت بيكي المثل

زَيِّ ما ملقتش منك حنان..

أنا كمان..

مفيش مني أمل

بُعْدِك فهمني حاجات

مَكْنَش ليها في قُرْبِك تفسير

صوتك الحنين مثلاً..

مالوش لزمة ولا تأثير

حُضْنِك.. مبقاش نجاة

حُبِّك.. مش حياة

حلمي.. فيكي تاه

يالي قولت عليكى وطني..

أنا دلوقتي بقول وطني..

سبُّه.. لله!

قومي يا مصر

حزينةً يا مصر منذُ سنون

حزينةً يا بلاد السرّ المكنون

صِرْتِ أُمَّةً لشعبٍ مديون

صارَ شعبُك في غيبةٍ..

في جنون

ماذا حدث يا بلاد العظماء؟..

يا بلاد فرعون

أَلَسْتُ أُمَ الكونِ؟!

أَلَسْتُ مَجْمَعَ الأديانِ..

أُمُ الأقباط والمسلمين؟

لماذا صارَ شعبُكَ لبعضهم يتسلحون

ويتربصون

ولأعدائِكَ.. لا يُبالون !

نُريدُ أن نتغطى بترابِكَ..

نُريدُ أن نتغطى بترابِكَ الحنون

قبل أن نرى شعباً كان عريقاً..

والآن لباس الجهل يرتدون

قبل أن نراهم على ترابِكَ يتراهنون

أرى الحزن..

أرى الحزن يابلاذي على ملامح وجهِكَ..

على أحفاد عُلَمائِكَ وهم بالسُّكر يتمزجون

على شعب الطيبة والحضارة وهم يتبادلون

تاركين ديار عباداتهم..

وفي الملهى يتراقصون

ماذا حدث يا أرض الأنبياء..

يا أم المؤمنين

صار شعبك بلا هدف..

بل عن الخطأ يبحثون

قومي يا مصر

قومي يا مصر و اعتدلي النصر..

فمنهم أبرياء لا يدرون

قومي يا مصر قبل فوات الآوان

أفيقي شعبك قبل أن ينقسم ويتفرقون

تكلمي يا مصر وقولي..

" أنا من ذكر اسمي بالإنجيل والقرآن "

فلماذا الفساد على أرضي أيها الإنسان ؟!

ألا قال لك المسيح..

" مبارك شعبي مصر " ..

ألا أوصاك الله..

" ادخلوها آمنين بسلام "؟!

قومي يا مصر و أطفئي النيران

ولا تنسي مَنْ تاهَ تحت الأقدام

تمكني يا بلادي في صد مُحربك الجبان

أخبري العالم أجمع..

أن أنتِ مَنْ حفظك الرحمن

كنتِ.. وما زالتِ.. و ستظلين أرض السلام

قومي يا مصر قبل فوات الأوان

أمنية

يا أمانة..

على قلبي

وماسكة مُفتاحه

في إيدك تريّحيه..

ويايدك چراحه

خلتيني أسير يومك..

من مساه لـ صباحه

خليتي قلبي يطلق.

في الحبّ سراحه

....

دخلتي قلبي بإرادتي..

وخروجك مش بإيدي

لإنك امتلكتي..

كل نقطة دمّ في وريدي

....

من البداية شُفتك زهرة..

في رحاب بستانك

كنتي خير الزهور..

طارحة قبل أوانك

شدتيني خلّيتيني..

أسير جمالك وعطفك

كان ودّي أقطفك لكن..

ما كان ميعاد قطفك

شُفت فيكي كل الصفات..

وعجز لساني عن وصفك

و رغم زحام الميدان..

وقفت أنا على صَفِّكَ

....

كان الود ودي

أخيم جنبك..

لأجل مَ أرعى راحتك

ويمكن من خوفي عليك يا وردة..

سبتك على راحتك

بس إن كنتي فارقتي عيني..

ما فارقتنيش.. ريمحتك

....

بعدت مهما بعدت..

وغادرت أسوارك

وطال البُعد ورجعت...

لأنه مكنش قراك!

أنا الي جايز أكون خُفت..

من حلاوة نارك!

أسرارك..

أسرارك جوة عودك النادر مكنونة

وثمارك على غصونك بترفرف مجنونة

في ليلة سَمَرِك..

كان نفسي من ثمرِك..

حتى لمونة !!

ولما چينا چنبِك..

إتهز چدرک..

الناس لامونا

قالوا..

خُذ من ثمرها حتى مَ يطيب

والي رايد عسلها..

يأچرلُه طيب !!

ومخبي إيه معاكي النصيب

يا شمس دافية..

ليل ونهار ما بتغيب

أمانة عليا..

ونار بين إيديا

أصغر مني..

وننّ شافك قَدّيّا

جيت أختار إحترت..

بين القُرب منك أو الفرار

صعب القرار

في الحالتين هيولع قلبي نار

باختصار..

عوُد من نور..

ع الأرض ثابت

عليها ثقة..

في قلب الدربة..

مَ سابت !!

حتة سكر..

بس تعكّر..

الي عليها تابت

وَحَبَّتْ مَهْمَا حَبَّتْ..

عَشَقْتُ.. مَا دَابَتْ

يَا غَزَالَ اللَّيْلِ مَعَاكِ..

طَالَ لَيْلِي

حَتَّى عَلِيَا بِهِوَائِي..

وُطِّلِي

مِنْ يَوْمٍ مَا شُفْتُكَ..

زَادَ غَلِيْلِي

أَنَا رَايْدُكَ وَإِنِّي..

بَتَغَلِّي

حبييتي وَطَنَ

حبييتي وَطَنَ

على هواها قلبي اتَّفَطَنَ

اعتزلت بلاد الكون..

وفي قلبها قلبي سَكَنَ

حبييتي وطن..

تحت ظل سماها..

بَنَسَى المحن

في ربيع لؤاها..

بنسى الزمن

حبييتي وطن

لفيت بلاد وبلاد..

وما نابني غير هلك البدن

تعب قلبي بكل الحالات..

وبين إيديها قلبي إتحضن

حبييتي وطن..

....

زيّ طفل في حُضن أمّه..

أنا برتاح في حُضنها

زيّ جُندي سال دَمّه..

للدفاع عن أرضها

حبييتي وطن..

أنا عايش فيها..

أسير حُبها
أُقاتل مَنْ يَجور عليها..
ولو بَقَيْدَ أنْمَلَة!
أنا المزروع في حيطانها سُنْبِلَه
زهرة أنا من بستانك..
وطرحة ليكي
ومهما شُفّت منك..
بروحي أفديكي
شاريكي..
شاريكي و بَعْتِبرك..
مفروضة عليا
وحلو أو مُرّ منك..

هَدِيكِي عَيْنِيَا

حَبِيبَتِي وَطَن..

مَشْ مَجْرَدْ أَرْضْ عَائِشْ عَلَيْهَا

حَبِيبَتِي وَطَن..

عَائِشَةُ فِيَا

كانت هي مرة!

وده يبقى إيه.. ؟

لما أحس إنك..

روحي

وأحس إنك دوا..

لجروحي

وَمَ شُفْتُكِشْ غير مرة في حياتي..

وواحدة مني روجي

حاسك من زمان يا حياتي..

وكل حياتي..

وأملها وبسمتها..

وطمحي

....

دا يبقى إيه ؟!

لما من غير مَ أعرف..

حتى رأيك قَيَّا

أرسم حياتي عليكي

و صورتك..

مَ تفارقش عنيا

لما اسمك

يتحفر في قلبي..

رغم إنه جديد عليا

لما صوتك أسمع

من كل الي بيكمني..

لما حُبي يزيدلك

شوية بعد.. شوية

دا يبقى إيه..؟!!

....

دي كانت هي مرة !

مشفتكيش غير.. مرة !

و شايف حياتي من غيرك..

هتبقى مُرّة!

شايفك نعمة من عند ربي..

و مشفتكيش غير.. مرة

للدراجاتي دخلتي قلبي ؟

دا أنتي المفروض لسه.. بَرّه

وقتِك إنتي عليا تردي..

مَ أنا المُقَيَّد بِجُوكِ..

وإنتي الي.. حُرّة

دي كانت هي مرّة!

....

يا إمّا أنا..

ماشي أحب على نفسي..

يا إمّا إنتي..

ساحرة عصرك

بس ده إحساس جديد..

محستوش لحد.. قَبْلِك

حاسس إنك..

سعادتي..

وعيني ماشية..

على ضيّك

ووسط مليون واحدة..

مُش شايف واحدة زيّك

دا أنا ف كل لحظة شايفك

حتى في نومي في حلمي..

بقابلك

وخايف أواجهك !

خايف أواجهك..

لا مكُونش في حِسبتك

ولا تكوني حاسة..

بالي حاسّه من نَحيتك

حَبَّيْتِكَ وَعَشَقْتُكَ مِنْ مَرَّةٍ

يَا تَرَى زِيَّ عَاشِقَةٍ

وَلَا..

مِنْ حَيَاتِكَ أَنَا بَرَه

دِي كَانَتْ هِيَ مَرَّةٍ

إِنْ شئتُ حبيبتي ترحلين

إِنْ شئتُ حبيبتي ترحلين ... فعليكِ أولاً تذكري
أشياءَ كانتَ بيننا ... ستشهد يوماً لعشقنا فتمهلي
حبيبتي تمهلي...

تذكري مَنْ كُنتِ أنا ... ربما تفيقي بل تعتذري!
تذكري كيف تلاقى دربنا ... بالأشواقِ مُتفجّرٍ
وكيف كِدتِ بدموعِ عينيكِ ... عليّ تُمطرين
وكيف كُنتِ للوصولِ إلى حُبِّي ... مِنَ الْمُتَعَسِّرِ
تذكري مَنْ أَنْتِ وَكَمْ رَأَيْتِ ... مُعَانَاةً بِجَسَرٍ مَعْبَرٍ
وعلى شاطئِ رَسَيْتِ ... وبكلِ چوارحِكِ تَشْكُرِينِ
وَقُلْتُ: لَنْ أُنْسَاكَ يوماً ... وبقلبي لَنْ تَغْذُرِي

فَقُلْتُ: وَأَنَا سَاهِبٌ لَكَ حُبًّا ... وَأَنْتَ ظَرُفٌ تَأْمُرِينَ
حَافِظْتُ أَنَا عَهْدًا بَيْنَنَا ... وَهَدَمْتَ أَنْتِ بَيْتًا مُعَمَّرَ
وَأَرَاقِبُ أَنَا الْآنَ كَيْفَ دَابَتْ أَشْوَاقُنَا وَكُلُّ آمَالِكِ أَنْتِ الْآنَ.. تَرْحَلِينَ؟!

....

إرحلي!!..

إرحلي مَا دُمْتُ اخْتَرْتُ الرِّحِيلَ ... إرحلي بِلَا نَدَمٍ وَلَا تَرَاجَعِ
وَلَا تَبْحَثِي بَعْدِي عَنْ بَدِيلٍ ... فَلَنْ تَجِدِي مَنْ يَتَوَسَّعِي
إرحلي وَلَا تَتَذَكَّرِي حَمِيلًا ... فَقَدْ أَخَذْتُ كُلَّ شَيْءٍ مَعِي
إرحلي وَعَانَقِي الْحَيَاةَ بِشِدَّةٍ ... فَلِكِ بِقَرَارِكَ أَنْ تَتَمَتَّعَ
وَتَرَاقِصِي مَعَ الْأَمْوَاجِ بِحِدَةٍ ... وَلَا تَحْكِي وَلَا تَدْعِي
أَنْكِ كُنْتِ يَوْمًا حَبِيبَتِي فَلَيْسَ ... لِسَكْبِ الْحَلِيبِ مَرَجِعِ
إرحلي وَإِذَا عَانَيْتِ لَا تَقُولِي ... وَلَا تَجْهَلِي تَدَمَّعِ
فَدَمَوْعِكَ فِي عَيْنَيْكَ كَاذِبَةٌ ... كَدَمَوْعِ التَّمَسَّاحِ بِالْمُسْتَنْقَعِ

لا تجزعي..

لا تجزعي ولا تأسفي ... فلست بشائر
بل أيقظني من غدر أوهامي ... وزيف مشاعري
إلى وهمك أنت كما اتجهت ... وخلفك لا تنظري
وإلى بحر السراب ... خاطري وغامري
انثري نفسك فيه ... شباكاً وتبعثري
طالما على راحتك ... في بحري لم تعثري
واعلمي..

البحار لا تهدي سفينة ... دون قبطانها المسير
إذ لن تعيشي ببحر آخر ... وعلى أمواجه لن تُبحري

....

فأنا البحر الذي ... أمواجه أراحتك
لم تعرفي قيمته بعدما ... أمواج غيري طرحتك

دَعَيْتِ نَفْسِكَ عُرُوسَ الْبَحَارِ ... وَ الْبَحَارُ سَوْفَ تُعْظِمُكَ !
 أَخْطَأْتُ .. فَتَرَكْتُ مِيَاهِي ... بَعْدَ ذَوْبِ مُعَالِمِكَ !
 لَمْ أَتَأَثَّرْ بِهَجْرِكَ فَبِدَاخِي ... الْكَثِيرُ مِنْ فَصِيلَتِكَ
 بَيْنَمَا أَنْتِ مِنْ بَحْرِ إِلَى بَحْرٍ ... كَثُرَتْ شَوْكَتُكَ !
 لَا تَتَمَنَّى الرَّجُوعَ إِلَى بَحْرِ ... غَادَرَتْهُ سَفِينَتُكَ
 سَتَقَابِلِينَ أَمْوَاجًا عَالِيَةً عَلَى ... شَاطِئِ الشُّوْكِ أَرْضًا طَرَحَتْكَ

....

وفي النهاية..

لن تغرقيني في هواكِ	بشبرِ ماءٍ
لا تبكي عليّ فأنتِ	أولى بالثناء
لستُ الغبي كما تصورتِ إنما	مثلت دور الأغبياء
وسيانَ عندي إذا بقيتِ أو	رحلتِ في المساء

فالأسماء في البحر كثيرة
والنجوم أكثر في السماء
وحُب الصيف عادةً
فارحلي إذا شئتِ!!..

ليس عليكِ بالبقاء

بنت ناس

-سَوْفَ أَطْلُبُ يَدِكَ

-اعْلَمْ إِنِّي بِنْتُ نَاسٍ

- وَمَاذَا تَقْصِدِينَ؟!!

-يُرِيدُونَ ذَهَبًا وَمَاسًا

-رُبَّمَا لَا أُسْتَطِيعُ

لَكِنِّي سَأُقَدِّمُ مَا لَيْسَ لَهُ نَفَادٌ!

-وما هو؟

-قَلْبٌ مَا زَالَ بِمَزَايَاهُ فِي احْتِفَازٍ

رَجُلٌ يَجْعَلُكَ لُقْمَتَهُ..

فَلَنْ تُوَضَّعِيَ يَوْمًا تَحْتَ أَضْرَاسٍ

ألم تحتاجي لكل هذا؟!

-نعم

ولكن كيف امتلكت ذلك بـ إعتراز؟!

- لأني تذوقت متاعب الحياة..

يوماً بعد يومٍ في كأس

تعلمت أن سيدتي..

لها مني كل احترامٍ وإخلاص

صبرتُ وتحملتُ وما لجأت..

يوماً لـ شكوةٍ أو التماس

ضحكة ألم

لَمَّا جِيتُ أَكْتُبُ عَنْ وَجْعِي..

بِكَيِّ قَلَمِي..

مَكْتَبَشْ !

وَهَكْتَبُ عَنْ إِيهِ وَلَا إِيهِ ؟

وَلَا إِيهِ.. لَسَهُ مَتَّقَالَشْ ؟

....

آه يَا حُزْنَ.. لَمَّا تَسْكُنُ صَاحِبَ الْبَسْمَةِ

آه يَا ظُلْمَ.. لَمَّا تَصِيبُ الْيَاسَ عِنْدَهُ ذَمَّةٌ

آه يَا دُمُوعَ.. لَمَّا تَمْلِي الْعَيْنَ..

وَتَخْلِيهَا ضَلَمَةً

آه يا وحدة لَمَّا..

تقتلي في الي كان ييحب اللّمة

...

إنهيار الرجال

زَيّ الرمال

بُتُّع من أعلى جَبَل

وإن بكى الراجل

ضاع الأمل

ويا عيني عليك ياللي فقدت الأمل

عِشت وياّ الهموم صامد زَيّ الجبل

ضاع من عُمرِكَ سنين في حُكم هَبَل

فاقد الحنين.. صابر زَيّ الجمل

بس سفينة الصحراء في دربها..

صبرها خلاص إكتمل

حُكم النفس ع النفس..

چابلك شلل

حتى الأيام بتمر..

مُر..

وملل في ملل

و صابر لأجل ماتلاقي..

حَظَّك يوم إتعديل

تلاقي الي جاي..

أصعب م الي اتقبل

....

أنا من أرض الواقع

قيدي.. واقع

بِحس كثير جسمي ساقع

مين سامع؟!

مين سامع!!

ضايع..

وبطلع من نُقرة بَقع في دحديرة

ودموي تملي بُجيرة

وفي قلبي لسه كاتم..

حاجات كتيرة

....

لا ضهر ولا سَنادة

الظلم راسخ كالعادة

العين باصّة عليا بتبّانة

نظرة حاسدة ونظرة كيّادة

هو أنا عيبي إني بفهم بزيادة؟!!

طب أنا غبي..

وبادلوني بالسعادة!!

عاجز.. وخليكم ليا ستادة!

خلوا أملي من بير ألمي..

في أرض مُحادة

دي حتى الضحكة الكدابة..

الكدابة..

مَبَقْتَش مُعْتَادَة

....

ضحكة ألم

ضحكة من عدم

وراها حزن..

معجونة ندم

يمكن انكسار..

أورد اعتبار..

لإنسان اتظلم

....

ضحكة بتعبر عن حاجات كتير

إلا.. الفرح

ضحكة بتداري حزن..

بتداوي جرح

ضحكة ع الشجرة..

الي ثمرها ملوش طرح

....

دوّرت على حاجة تفرحني..

مَلاقِيتش..

فضحكت!

جيت أعد كام موقف جَرَّحني

مَعَدَّتْش..

فضحكت!

ضحكت على نفسي..

الي من القلب بمجد مضحكتش

لما شبابي يضيع ع الفاضي..

تبقى ضحكة ألم

لما في عز الفرحه

أضحك ضحكة تراضي..

تبقى ضحكة من عدم

لما أعمل الخير..

وميتردش عادي..

يبقى الأمل إتعدم

....

الضحك أنواع..

وأصعبهم ضحكتي..

يمكن علشان نادرة

صعب تلاقيها وسط ناس

ع الخيانة والفراق..قادرة

ضحكة مهمومة..

من جرح الغالي في دُنيتي

ضحكة مكتومة..

لفرحة مش فرحتي

ضحكة مهزومة..

لعدم نهاية عذاب رحلتي

....

ذنبى ولا ذنب مين؟

أعيش تايه

يضيع من شبابي سنين

ذنب مين.. مش هسأل

وعن ضميري..

ربنا وحده يعلم

أنا بس بسأل..

الفرحة فين؟!

قالوا: موجودة بس بقرشين

طب لسه باقية..

بس برضه أنا أجيب منين

لما الفرحة هتتباع..

هتبقى فين الأمانة؟!

طب الله يعوض ع الناس الحزاني

....

عندي كام سنة؟

عندي كتير

وقديهم ضمير

لا ظلمت ولا إفتريت..

دا أنا ياما إظلمت وعديت..

عديت كتير

يمكن غلط زمان

وعن ذنوبي ده تكفير!!

يمكن ذنب إنسان ويخلص..

بس والله ده كتير

دا أنا لو هتخلص مني ذنوب البشر!!..

كان زمان ملاك..

ع الأرض بطير!

لغاية إمتى يا حظ..

هتفضل مايل ؟

إهدأ عليا..

إفتكرلي أيّ جمایل

خليني من صحابك

بلاش تيجي عندي..

وتعلن انسحابك

ولا أنا يعني..

مش قد مقام جنابك؟!!

....

طبطي عليا يا دنيا..

والي لسه باقي مني سيبيهولي

والي ضاع مني وخسرتة..

أنا مش عايزك تدهولي

لكن فرحيني مرّة..

بالي لسه.. هتوريهولي

....

زَيِّ مَ أَكُون نازل من بطن أُمِّي

شايل معايا همي

كل حلم قدامي

بلاقي فيه إعدامي

شايل همّ فوق طاقتي

وهي زاد.. لما طلعت بطاقتي

....

دا أنا من صغري طالع عليكي عيني

ليا وليكي بتبعلك..

ما أنا منك ونجاحي يتبعلك

على فين تاني هتوديني؟

ويا ترى زعلانة إنهم بيظلموني..

ولا إنتي زيهم حابة تظلميني؟!

....

ده من كُتر الحرمان..

أنا اتعودت عليه

لو هتزليني كمان..؟

يا ترى هتحرميني من إيه؟!!!

أنا الشاعر

أتقدم أتقدم في عزلي وصمتي
أتقدم أنا .. والحياة تمضي
والشعر الأبيض على رأسي يُجدي
تأج يكادُ يثقل مجدي!
والفكر يُسامرني..
والقلم بيدي
والنسور حولي..
ترعى أرضي
ثم تأكل حصاد جهدي !

....

أَتَقَدِّمُ أَنَا فِي أَرْضِ قَفَرٍ

وَالزَّمانُ يُساوِمُنِي عَلَى فِكْرِي

وَأَصْنَعُ أَطْناناً أَهْدَرَتْ عُمْرِي

ثُمَّ تَأْخُذُ مَا صَنَعْتُ..

وَتَطْلُبُ هَجْرِي !

وَلَا أَدْرِي

لَا أَدْرِي كَيْفَ يَتَمُّ مِنْهَا هَجْرِي

وَأَنَا مَنْ صَنَعْتُ أَهْجَادَهَا وَحْدِي

....

أَنَا الشَّاعِرُ..

أَنَا الشَّاعِرُ.. أَنَا النَّائِرُ..

شِعْرِي عَلَى بِيوتِ الظُّلَمَا

أُطْلِقُنِي.. دَعِينِي..

أدوّن شعري على أوتار المُنَى

و املئي عيني..

املئي عيني يا نور عيني

خَلِّي صَيِّكَ عَلَيَّا يَحْيِيَنِي

كوني شمسي.. كوني ضئي..

كوني اشتياقي وحنيني

كوني شيء أعيش علشانهُ..

كوني لقلبي كُل آمالهُ..

كوني حلم..

عاشت تحلم بيه سنيني

كوني ليا عُمرّ تاني..

إن ضاع عُمرِي..
ألاقي فيكي وجداني..
كوني ملاكاً يُحرِّك إنساني..
خليني أتحَدِّثُ بيكي دموع عيني
كوني سراجاً يَنيِّرُ طريقي..
كوني زفيري كوني شهيقِي..
كوني بسمَة عند ضيقي..
و من حُزني تَرجعيني

....

رَسَمْتَ فيكي آمالي..
إِديني الأمل أحيا
بلاش تطيحني بأحلامي..

بلاش تكوني ضحية
ورميت عليكي أحلامي..
دوّقيني منك الهنا
مَ تبعديش عنيّ وتتعالي..
لَ أَقَع مِن على جبل المُنَى

متعيطيش

في إيه مالك؟!!

بتعيطي ليه.. ومتغير حالك

مالك؟؟

دموعك طفت نور جمالك

متعيطيش..

ليكي ربّ متخافيش..

شايلك أحسن من اللي في بالك.

مالك؟

زعلانة ليه..

وتايهة في عذابك؟

زعلانة علشان سابك؟

طب وماله!!

هيلف لفتّه..

ويرجع يتمنى أيامك

ما هو مش هيلاقى زيّك..

يا أميرة بأخلاقك

ولو مرجعش..

هوّ الي خسرانك

الي يفرّط فيكي خسرانك

خسر قلبك.. وروحك..

وعطفك.. وحبك ودلالك

فَمتعيطيش..

ولا تقتلي في جمالك
وما تزعلش
يا ست الكل يا فخر أمثالك
سبييه يعرف غيرك
ويشوف الفرق..
الي بين كل الناس وبينك
لما كُنتي وكنتي..
ويا ما عملتي..
ومستنتيش منه يُرْدهالك
بُكرة هيعرف قيمتك..
وانتي قيمتك في أخلاقك
ولو كان بقى من جيل النت..
ومش شاربيكي ستّ..

ومقضيها خروج ونروح ونيجي..

وهاتي حِتّة يا بَتّ..

يا بَتّ.. ده مش مقامك

مُش مقامك..

ده مينفعكيش..

ولا ضرر ترمي عليه أحمالك

مش راجل يعيش..

وما يستاهلش تشغلي بيه بالك

يستاهل لو مكنش باعك

ولا فكَرّ يبعد عَنْك..

ولا في عِزّ احتياجك سابك

فَمتزعلِش..

و متعِطِش..

يا ست البنات..

يا فخر أمثالك

مسجون الليل

- الليل في سكونه..

ما أجمله على العاشق الوهّان

- الي ييحب بصدق وتملي..

يشوف حبيبه في كل مكان

- وما أصعبه..

على القلب الحيران

تملي تايه..

طول الليل سرحان

- من الشوق..

ومن واللهفة هيمان

- ينشد في أول الليل..

وفي آخره أحزان

....

من الشوق مايشوف النوم..

سارحة روحه تدور على سنيده

- انهارت شجونه..

اتحمد الدم في وريده

- حتى م صار الليل صديقه..

والنجم يشهد على تغريده

....

أصبح الشعر..

فنه وتوسيدة

- على بيوت الظما..

يكتب وينثر القصيدة

- ما حيلته غير الشعر..

والفكر والعقيدة

- والتأمل مع الصبر..

مع التنهيدة

....

مسجون بسجن الليل..

والذكريات والأيام الجميلة

والأحباب والمشوار الطويل..

والصُحاب والأهل والعيلة

- فنجان القهوة مع سيجارته..

بيداووا روحه العلية

- يحلم يرجع صبي على إيد أمّه..

ولا كان شاف المسؤولية الثقيلة

- دا الهم..

حرق في عروقه الدّم..

ولا قوة ولا حيلة

- مع إن طبعه أصيل و جدع..

وأصله ولد عيلة

وهكذا القدر

ودّع.. ماضيك القديم بما اشتهى
 فرّغ.. أفكارك من كل أمرٍ انتهى
 أمحُ آثار أقدامك..
 من دربٍ ليس بدربها
 أترك إنسانك إذا خانك..
 وأهانك في حُبها
 وامنح حياتك اليوم أملاً جديداً لها
 فأنت أمل الحياة..
 والحياة تمضي وتأتي..
 وتُعطي طالب آملها

وَدَعْ أَمْلَكَ فِي اللَّهِ..

فَاللَّهُ يَعْطِي الْبَذُورَ الْخَيْرَ..

وَتَعْطِي أَنْتِ ثَمَارَهَا

....

يَا لَهُ مِنْ قَدَرٍ كُتِبَ عَلَيْنَا..

اعْتَقَدْنَا حُلْمَنَا أَصْبَحَ مُحَالًا

لَكِنْ شَاءَ اللَّهُ أَنْ يَشِقَ لَنَا مِنْهُ..

دَرْبًا فِي صَخْرِ الْجِبَالِ

وَهَكَذَا الْقَدَرُ عِنْدَمَا يَجْمَعُ..

بَيْنَ الْوَاقِعِ وَالْخِيَالِ

وَعَلَى سَبِيلِ الْمَثَالِ..

أَهْدَرْتُ سَنِينًا مِنْ عَمْرِي..

أَحْلُمُ وَأَبْنِي مُسْتَقْبَلًا

گم تمنيت و گم عانيت..

إلى أن يكمل

مؤمناً بأن من أراد..

لا بد أن يعمل

فوجهت حُلِي..

على مدى علمي المسبّل

جاهداً ليبقى عملي سامياً..

في تاريخي يُسجّل

ومرةً وأخرى بخطي ما..

يُعاد هدي في أو.. يعدّل.

فأعيد نفسي وأتحدّى خطّي..

بمُبررٍ مُبسّم

لكي لا أَيْأس..

لا أضعف..

لا أسأم

أهرع خلف حلمي إلى أن يذهب..

وأنا لا أعلم

أين يستقر وهل يُضر..

أم يُضلل أم يُعَظِّم؟

لا أبالي إلا أن هدفي..

لا يتراجع أو يستسلم.

....

أطوف على..

عرش حلمي المُدَلَّل

وبالكادِ خطواتٍ..

قليلة ويكمل

وشاءَ القدر يزلزلي..

في شخصي المبجل

وأرى الكرب يقترب..

من دربٍ مُعجل

فمكثتُ على أطلال حلمي.. أشعرُ بالمنتهى..

وأرى نفسي مُكبلاً

أبكي وأتعجبُ على سخرية القدر..

وعما يفعل

وأتساءل.. ؟

هل فُقدت.. ؟

هل انتهيت.. ؟

هل وكيف أتحمل؟

ولكن هُنا السؤال الأول

مَنْ غير الله يعلم بالغيب..

وللخير يعمل؟!

فعلى سبيل الاهتمام..

كَمْ أمتنا زهورنا من فَيْض المياه..

والقصد لا تذبل؟!

....

تساءلتُ لماذا؟..

وكيف هذا الابتلاء؟!

هل ضللتُ أم بطأتُ..

أَمْ هي عدالة السماء؟!

ربي لم أكن مُقَصِّراً..

بل جاهدتُ مُتَعَسِراً على البقاء

لكني قَبِلْتُ منك قَدْرَكَ..

في السراء والضراء

....

ضاق دري..

ضاق دري..

والحلم قدّ تاه

فتمدّد أمني..

واستعدتُ الحياة!!

لأنّ إذا أحبّ الله عبداً..

ابتلاه

وهكذا القدر..

كان مُدبراً من الله

فعند نقطة سقوطي..

أبصرتُ ما كُنْتُ من قبل.. لا أراه

جعلَ الله بدايةَ دَربي..

الذي أعتقدُ مُنتهاه

مرسلاً لي بين قيودي..

مَن كُنْتُ في صمودي..

أرجو لِقاه ..

وأكثر من ما أتمناه.

....

فَ يا مَن بقدركم تتألمونَ

"الله يعلم وأنتم لا تعلمون"

"والله خير حافظٌ.."

لا تضطربوا

تقبلوا قدره بما فيه..

وما لكم تَعرِضونَ

فبالأحرى يتم عمله..

إن رضيتم.. أو لا ترضوا

....

ويا مَنْ لا زِلْتَ تَبْحَثُ

استمر.. ولا تيأس

فالاستمرار نصف النجاح..

وَجَهَادِكَ قَدْ يُكْرَسُ

وإذا أَرَادَ رَبُّكَ بالسماح..

نجاحك لأَجيالٍ يَدْرُسُ

....

يا ابن آدم حتى بحُسن..

تدبير ربك تعترف

تقبل قدرك بما فيه..

ولا تَقِف
وإن كان ضرراً..
حَوَلة لحليمٍ مُختلف
ربما يكن لك سبباً..
لفكرٍ مُحترف
يَقْنُ خطواتك..
وأعد حساباتك..
ودّع الماضي ينصرف.
ودّع ماضيك القديم...

كِرْمَة

يوم أَوَّلُهُ تَعَبٌ.. وَ جَرِي وَشَعَبٌ..

وَأَخْرَهُ كِرَامَةً

يوم كَانَتْ فِيهِ الْقُلُوبُ بِتَتَرَعَّبٌ..

وَفَجْأَةً جَتَ فَرَحَةٌ مَعَ صَرْخَةِ طِفْلَةٍ..

جَابَتْ مَعَهَا أَجْمَلُ ابْتِسَامَةٍ

يَا سَلَامًا..

نَسِينَا تَعَبَ الْيَوْمِ

وَهَانَتْ كُلُّ الْهَمُومِ

فِي لَحْظَةٍ مَ شُفْنَا طِفْلَةً..

مِنْ غَيْرِ هُدُومِ

لكن شايها بتاج
تقولوا ملكة..
تقولوا أميرة..
ويتعملها هاش.. تاج
خليتي وداني عن كل أحزاني..
ظُرمة
يوم م جيتي و شُفتك في اللفة يا..
كُرمة
يا سلام على جمالك و حلاوتك
لما شفتك بين إيد مامتك
إمتي تكبري كمان شوية..
وأشوفك بتهزري..

وأضحك على شقاوتك
دا برغم إني بقيت أَّب و كبرت
لكن شفت فيكي..
إن عشرين سنه صغرت
كرمة..
جمالها مُش في اسمها
ولا شكلها ولا في لبسها
ما في مليون بنت زيّها
لكن جمالها أنها تكون بنتي..

بتاعتي مني

لحمي دِّي

شكلي فكري

دا أنا حتى هَحَفَّظْهَا شعري

الوحيدة من بين مليون بنت..

جميلة زيها..

هتقولي يا بابا

الوحيدة الي رغم قساوتي..

هعاملها بطيابة

كرمة فرحة مش هتتوصف

إلا ما ربنا يفرحكوا زيي..

وتعرفوا عن إيه بوصف

بوصف شيء لا يُكتب في مليون ديوان

بوصف كرامة..

بوصف بنت من دمي..

بوصف حنان

بوصف اسم معناه جمع العنب

وفي نظري أرض..

برمي فيها التعب والأحزان

أوصيكي حبيبتي..

خُدي مني رجولتي

خُدي طيبي

خدي من ماما حنانها..

وإديها عنيكي

وحققيلها آمالها..

تشوف نفسها فيكي

يا مَنْ أَشْرَقَتْ لَنَا شَمْسٌ جَدِيدَةٌ..

عندما حَانَ آوانها

عقبال متشوفك ماما زِيِّ م كانت جنب بابا..

مع عريسك مكانها

السيرة الذاتية للشاعر

باسم ناصر سليمان

محافظة القاهرة

مواليد المنيا قرية دير أبو حنس ٣٠ سنة

بدأت كتابة الشعر في المرحلة الإعدادية سنه ٢٠٠٥

وبدأت مرحلة الانطلاق نحو الشعر فترة تأدية الخدمة العسكرية

واستمديت موهبتي من خلال الممارسة طوال مرحلة حياتي لأظهر موهبتي

للجمهور سنه ٢٠١٥

لي بعض اللقاءات على القنوات الفضائية منها الحياة وقناة النيل وصوت

العرب وعدد من الحفلات بالربع الثقافي شارع المعز ومملكة الشعر ساقية

الصاوي

جاري تنفيذ أول ثلاث دواوين لي بإذن الله يكونوا الأفضل

مثلي الأعلى في الشعر الشاعر الكبير عبد الرحمن الأنبودي

الشعر لم يكن لي شهرة بقدر ما هو انتماء وحب ورسالة سامية هادفة

تعبّر عن رأيي ورأي الآخرين واستخراج ما بداخلهم ولهذا أرى أن تعريف

الشاعر هو "مرآة الشعب"

محتويات الديوان

5	إهداء
6	أَحْبَبُكَ يَا رَبَّ
10	آخر قصيدة هكتبها لك
28	قومي يا مصر
32	أُمينة
39	حبيبتِي وَطَنَ
43	كانت هي مرة!
49	إن شئتِ حبيبتي ترحلين
54	بنت ناس
56	ضحكة أَلَم
70	أنا الشاعر
75	متعيطيش
80	مسجون الليل

84	وهكذا القدر
94	كرمة
100	السيرة الذاتية للشاعر
102	محتويات الديوان

تم بحمد الله

ضحكة ألم

ديوان شعر

باسم ناصر



الطبعة الأولى

1442 هـ - 2020 م

دار ديوان العرب للنشر والتوزيع

مصر - بورسعيد

جوال: 00201211132879

E-mail: mohamedhamdy217217@gmail.com